



چار احوال نبی ابراهیم

قیصہ نبی ۲
سورت نمبر ۳

قيصه نبي ۲

دالم چور سورت ۲ ني ، هق نام دي
"قيصه نبي ۲" اد رويت چارا حال
توجه اورغ نبي سروف دباوه ني :

سورت	1 .	چارا حال توء ادم
"	2 .	" نبي نوح
"	3 .	" نبي ابراهيم
"	4 .	" نبي يوسف
"	5 .	" نبي موسى
"	6 .	" نبي راءور
"	7 .	" نبي سليمان

قيصه ۲ كسموا تو امبيق دالم كتاب
فرجنجين لام ، هق ترماسوق كتاب بورات ،
كتاب زور دغن كتاب ۲ نبي ۲ لائين جوگ .

๓๒. ๒๓ พระโขนง
กรุงเทพฯ 10110

PATTANI MALAY WS 005/3 - ABRAHAM
TBS - 1989 - 1M.

چارا حال نبي ابراهيم

اينيله قيصه نبي ابراهيم. نبي ابراهيم ني هق كتاب
توهن رویت کات دي جاري سروف سائين هق رافت دغن
توهن. قيصه ني امبيق دالم تورات ، د سورت هق فرتام.
نام سورت تو "کجارين ۲ هق اصل" . دغن ريغکس
بوليه فغکيل دي "کجارين" .

نبي ابراهيم ني ، مولا ۲ نام دي "ابرام" . لفس
فد تو، توهن لتق نام دي هق بارو ، ياءيت "ابراهيم" ،
معنائن "باف اورغ رامي" .

بيلا توهن سوروه نبي ابراهيم تيغکل تانه اير دي ،
ابراهيم فون بوات تورت . دي تيغکل تانه اير ، برجالن
کي کا نگري کتمان . تکه تو جوک توهن جنجي کا ابراهيم
کات سما بغسا د دنيا نق تريما رحمة کوئ کتورونن نبي
ابراهيم تو .

دالم قيصه د باوه ني ، کيت بوليه تاهو کات نبي
ابراهيم جاري اورغ هق دوق هارف سمات ۲ کا توهن .
بچاله ايات ۲ دباوه ني :

توهن سوروه نبي ابراهيم تورت دي

کجارين 12 : 1 - 9

توهن سوروه ابرام کات : مو تيغکل کيله ابرام ،
درفد تانه اير مو ، اديق براديق دغن رومه ايه مو، کي
هارفله کا نگري هق اکو نق تنجوق کفدامو .

2
اکو نق بري کتورونن مو جادي بښسا بسر کو دافن.
اکو نق تورون رحمة اتس مو بري نام تيمبول ، فس
اورغ لائين فول نق تريما رحمة دغن کران مو جوگ .
3
اکو نق اوچف سلامت اتس اورغ هق اوچف سلامت
اتس مو ، تافي اکو نق سومفه کا اورغ هق سومفه
کفدامو ، فس سموا بښسا د دنيا نق تريما رحمة کو
کو جالن مو ، توهن کات .

4 - 5
ابرام فون کي ، ايکوت هق توهن سوروه ، فس لوط
کي سکالي دغن دي جوگ . تکه تو عمور ابرام توجهه فولوه
ليم تاهون ده . تکه دي کي تو ، دي باوا بيني دي
ساراي دغن انق سوارا دي لوط ، سکالي دغن سموا
اورغ سموا هرت هق دي بوليه د نکري حران تو ، توبيت کي
توجو کو نکري کنعان .

6
بيلا دي سمفي د سیتو ، ابرام دوق برجالن رات ۲
دالم نکري تو ، هيغک سمفي کا تمفت ار فوهون ۲ هق کرامت
د موري ، ياءيت دشيخيم ، تمفت اورغ کنعان بياس ماري
ميمبه . (فد ماس تو ، اورغ کنعان دوق ار لاکي دنکري
تو) .

7
فس توهن تورون ماري کا ابرام ، کات کا دي : جادي ،
نکري نيله هق اکو نق بري کا کتورونن مو . سابيت توهن
تورون کا دي بالس تو ، ابرام سوسون باتو ۲ سيمفن تمفت
نق بوات قربان کا توهن د سیتو .

8
لفس تو ، دي برجالن کي لاکي کو باليق هيلير ،
سمفي کا تمفت کليواسن بوکيت ، سبله تناءیک دغن بيت ايل
فس دي فرديري خيمه دي د تغه روا تمفت ، بيت ايل

بالیق جاتوه ، فس عاءِی بالیق تناءِیک . دسیتو فون
ابرام سیمن تمفت سا لاکِی نق بوات قربان کا توهن ، فس
دوق سمبه کا ری دغن مفاکو کات دیاله رپی هق دوق
اتس سموا .

لفس تو ری برالیه گی فول هارف کو هیلیر ، کو
فارغ فاسیر نام نیکیب تو .

9



لام ۲ جادی کماراو بسر ، تاءار نق ماکن دنکری
کنعان ، نبی ابراهیم فون گی دودوق دنکری مصیر سمفتارا .
لفس تو تاءلام ، ری کلیق کا نکری کنعان فول .

نبی ابراهیم دغن انق سودارا ری لوط

کجاردین 13 : 1 - 18

2 - 1 لفس فد تو ابرام تیغکل نکری مصیر کلیق کو لاءوت
فاسیر نیکیب تو فول ، ری ، بینی ری ، سموا دغن هرت
ری . لوط تو فون کلیق گی کو تو سکالی دغن ری .
ابرام فون جادی اورغ کای ده دغن کاون ۲ بناتغ ، مس ،
فیرق ، ار بلاک .

3 - 4 لفس تو ابرام تیڱل لاءِ وٽ فاسیر نیکیب تو ، کهور ۲
برجالن کلیق هیڱک سمفی کا بیت ایل، تمفت دی فردیری
خیمه دی دولو ، دتغه بیت ایل دغن عائی تو . فس
تمفت تو جوڳ هق دی بیاس سیمن تمفت بوات قربان
کا توهن . دی فون دوق سمبه کا توهن دسپتو فول دغن
مڱاکو کات دیاله رتی هق دوق اتس سما .

5 - 6 جادی ، لوط هق کلیق سکالی دغن ابرام تو ، دی
فون ار جوڳ کاون ۲ بناتغ دغن خیمه ۲ هق فواق دی ،
سهیڱک نمفک ده روا فواق تو نق دوق سکالی تاءلیه ،
مکانن تاء چوکوف دتمفت تو نق بری کا سما بناتغ ۲ دی
تو .

7 فس جادی کلاهی فواق میرا بناتغ هق ابرام دغن
هق لوط . تکه تو فون ، اورغ کنعان دغن اورغ فریزی دوق
ار لاکی دالم نگرې تو .

8 - 9 سابت تو ، ابرام کات کا لوط : کیت جادی ادیق
برادیق ، تاء سوغ دوق کلاهی باله اورغ میرا مو دغن
اورغ میرا هق اکو . باءیک کیت مچہ دولو . تیغوقله ، سما
تانه هق دوق دافن مات مو ، فس فیلیهله کو مان مو
نق کی . کالو مو کی کو تو ، اکو نق کی کو نی . کالو
مو دوق د سینی ، اکو فون نق کی کو تو .

10 - 11 لوط فون تیغوق کو سوغی جردن سمفی کا بندر
ظوار نمفک کات تانه تو سویر مولیق ، سروف کبون هق
توهن لتق د عدان دولو ، اتوا تانه د نگرې مصیر فون ،
(کران تکه تو توهن تاءبری بناس لاکی کوت صودوم دغن
کوت گموره) . لوط فون فیلیه سما فارغ ۲ د تفی سوغی

جر دن تو، فس ري هارف کي کو تهاري ناءيك . بالس
توله ري مچه دغن ابرام .

12-13 ابرام دوق لاگي ر نگري اورغ کنعان تو . لوط فول،
لالو کي کو فارغ ۲ تفي سوغي تو ، تمفت ار بندر بايق،
فس سمفي رکت کوت صودوم ، ري فون فرديري خيمه ۲
ري رکت دغن کوت تو . جاري ، اورغ صودوم تو جاهت
سوگوه . ري دوق بوات دوسا ترهارف توهن سمور .

14 لفس فد لوط کي تو ، توهن کات کا ابرام :
مو فندغ تيغوقله امبيق ر تمفت مو دوق ني ،
هولو هيلير ، ناءيك جاتوه ،

15 سکت مان مات مو بوليه نمفق، اکو نق بري
جاري ميليق مو دغن کتورونن مو بوات سلام ۲ .


16 اکو نق بري کتورونن مو رامي

سروف دبو تانه اتس بومي تاء هابيس نق بيلغ .
17 مو برجالن گيله رات ۲ دالم نگري ني ،

هق اکو نق بري جاري ميليق مو کو دافن .
18 فس ابرام اليه خيمه ري کي دودوق رکت تمفت ار

فوهون ۲ هق کرامت ر تانه اورغ نام ميري تو ، دالم مقيم
حيبرون . دسيتو فون ري سيمفن تمفت سا لاگي ، نق

بوات قربان کا توهن .



توهن جنجي سکالي لاکي کا نبي ابراهيم

کجادرين 15 : 1 - 6

- 1 لفس فد کجادرين تو ، توهن تورون فرکتائن ري
کا ابرام بري ري دغر سوارا ، کات :
مو تاءسه تا کوتله، ابرام .
اکو نق جاگ تبوه مو درفد بهيا ،
فس اکو نق هديه بايق فرکارا کفدامو .
- 2 - 3 تافي ابرام کات : يا توهن ، يا رتي کو ، اف فائده
توهن نق هديه بايق فرکارا تو ؟ سابيت توهن تاءبري انق،
سموا هرت کو نق جاتوه کا همب کو، ايلي ايزر ، اورغ
دمشیک تو . دياه هق نق تريما فساک تو .
- 4 فرکتائن توهن فون تورون کا ابرام فول ، کات :
بوکن همب مو هق نق تريما فساک تو ،
تافي انق بواه مو سنديري هق نق تريما .
- 5 فس ري باواء ابرام توبيت کلوار کات :
چوب تيغوقله کا لاغيت ،
بينتغ ۲ سموا تو بوليه بيلغ هابيس کا دق ؟
کتورونن مو فون نق جادي بايق سروف تو .
- 6 ابرام فون فرچاي کا توهن . سبب توله توهن برکنن
کا ري کات ري تاء ساله اف ۲ د فنداغن توهن .



توهن بري تنتو فرجنجين ري
دغن نبي ابراهيم

7 فس ، اڪو نق بري تنتو هق اڪو جنجي ني ،
 نق بري جاري فرجنجين هق ڪڪل
 انتارا مو دغن اڪو ، سمفي ڪا انق چوچو مو ،
 8 تورو ٺورو ڪي ، بوات سلام ۲ .
 اڪو نق جاري توهن اتس مو ،
 سڪالي دغن ڪتورون مو تو .
 فس اڪو نق بري ڪا فواق مو
 نڪري هق مو دوق جاري انق لوار لا ۲ ني .
 ڪران سمو نڪري ڪنمان ني
 نق جاري ميلي فواق مو سمور ۲ .
 فس اڪوله نق دوق جاري توهن
 هق ڪتورون مو تو جوڳ .

توهن جنجي ڪات ساره سنديري
 نق برانق

1 فس توهن تورو ماري ڪا ابراهيم فول دتمفت ري
 دوق ماس تو دڪت دغن فوهون ۲ هق ڪرامت ، دتانه هق
 مري تو . تڪه تو ابراهيم دوق دفينتو خيمه ري وقتو تغه
 هاري .

5 - 2

بیلا دی بڻه کفلا تیغوق ، نمفق ار تیگ اورغ دوق
 بردیری دافن دی . با تیغوق ، ابراهیم فون هوڱل توبیت
 کي سمبوت سلالو ، فس توندوق کا دی نق بری حرمت بلغ ۲
 کات : کالو توان ۲ برکنن کا همب مو نی ، جافنله لالو کي
 ساج . کوهور دولو ، امب نق کي امبیق ایر سیکیت بری
 باسوه کاکي . دودوقله دباوه فوهون کایو نی . امبیق ریغ
 سبنتر . ننٹی ، امب نق کي امبیق مکانن سیکیت بری
 کا توان ۲ نی . بیلا هیلغ لتیه ده ، توان بولیه برجالن
 هوبوغ کي لاگي . تریم کاسیهله توان لالو ماری کو تمفت
 امب نی . تیگ اورغ تو فون جواب : تا افله ، بوات بالس تو .

8 - 6

فس ابراهیم ماسوق دالم خیمه کا تمفت ساره سلالو
 کات : باغتله ادیق ، کي امبیق کندوم هق مولیق سکالي
 تیگ چوفق ، بوات روتی . فس دی فالیغ کي گادوه ۲ کا تمفت
 لمبو فول ، فیلیه سئیکور لمبو هق تغه توبوه ، بری کا اورغ
 کرج دی ، سوروه سمبلیه بوات گولي سلالو . ابراهیم سندیری
 فول کي امبیق سوسو هق ماسم دغن سوسو منته ، اغکیت ماری
 دغن گولي لمبو ، لتق دافن تیگ اورغ تو ، فس دوق
 سکالي تکه دی ماکن دباوه فوهون کایو تو .

10 - 9

سوره ماکن ، تیگ اورغ تو تان کات : ساره بینیتوان
 دوق دمان ؟ ابراهیم فون جواب : دوق دالم خیمه . فس
 سئورغ دالم فواق تو رویت کا ابراهیم کات : تاهون دافن
 اکو نق ماری فول . فس سمفی فریاغ تو ، ساره نق برانق
 بولیه انق جنتن . تکه تو ساره دوق دغر بالیق تابیر خیمه
 تو .

ني نق جادي بغسا بسر نام تیڱي ، سما بغسا دنيا
نق تريما رحمة کو کوۋ دي . فس اكو فيليه دي ده نق
بري دي سوروه سما انق چوچو دغن فواق ۲ دي بري
توروت جالن هق اكو لتق ده ، نق بري دي بوات هق
بتول هق عاديل سعمور . کالو دي بوات توروت سمات ،
اکو فون نق بري سمرن سما هق اكو جنجي ده دغن
دي . سابيت تو اكو تاءسير سوسوف اف سکارا کا دي .

20-21 فس توهن کات کا ابراهيم : کران سوارا فغاروان
ترهاردف کوت صودوم دغن کوت کموره تو بسر گيتو لالو ،
فس کران کجاهتن دي بايق سوڱوه ، لاني اكو نق تورو
کي تیڱوق سوڱوه کا رق فغاروان هق سمفي کا اکو تو .
فس کالو تاء سوڱوه اکو بوليه تاهو .

22 فس تو روا اورغ دالم فواق تیڱ اورغ تو تورو کي
دولو ، برجالن کي کا صودوم تو ، تافي توهن دوق
سکالي دغن ابراهيم دتمفت تو لاڳي .

23-25 ابراهيم فون ماسوق دکت نق تان دي : يا ربّي ،
بوليه کا رق توهن بوات بالس تو ، نق هنجور بري هابيس
سما سکالي ، اورغ هق تاءساله دغن اورغ هق ساله ، دالم
نکري تو ؟ کالو اد ليم فولوه اورغ هق تاءساله ، ربّي نق
بري هابيس جوڳ که ؟ تاءليه بري لفس که ، کوت تو ،
دغن سابيت ليم فولوه اورغ تو ؟ جاءوهله درفد ربّي نق
بوات بالس تو ، نق بري هق تاءساله کنا حکوم سروف دغن
اورغ هق بوات ساله ده . تنتو تاءليه ! کران حاکيم هق
کنا کرت سين اتس سما مائسي مستي کنا بوات هق عاديل ،
بوکن ؟

26 توهن جواب کات : کالو اکو تمو دغن لیم فولوه اورغ
 هق تاءار ساله ، اکو نق بري لفس سموا کوت صودوم تو ،
 دغن سابیت لیم فولوه اورغ تو .

27-28 فس ابراهیم کیچیق فول : امفونله ، یا ربی کو !
 سوغکوه اکو جاري دغن دبو تانه ساج ، تافي اکو براني
 مینتاء نق کیچیق لاگی . میسل ، ار امفت فولوه لیم اورغ
 ساج . سابیت کورغ لیم اورغ فد هق رویت ساءنی ، ربی
 نق بري فونه که سموا کوت تو ؟
 توهن جواب : رق ، تاء بري فونه کالو تمو امفت
 فولوه لیم اورغ هق تاء ساله .

29 فس ابراهیم تان لاگی : کالو ار امفت فولوه اورغ ساج ،
 نق بوات کا رق ؟ توهن جواب : کالو امفت فولوه فون ، اکو
 تاءبوات جوک .

30 لالو ابراهیم کات : یا ربی کو ، مینتاءله ربی جاغن
 موریه کا اکو ، تافي اکو کنا تان لاگی . کالو ار تیگ فولوه
 اورغ ، بالس مان ؟ توهن کات : تیگ فولوه اورغ فون اکو
 تاءبوات .

31 امفونله ! ابراهیم کات فول ، سابیت اکو براني نق
 کیچیق لاگی بالس نی . تافي ، کالو ربی تمو دوا فولوه
 اورغ ، بالس مان ؟ کالو تمو دوا فولوه فون تاءبوات جوک ،
 توهن کات .

32 ابراهیم کات فول : امفونله کا اکو ، یا ربی کو ، اکو
 نق کیچیق سکالي لاگی هق سور نی . مینتاءله جاغن
 موریه . کالو تمو دغن سفولوه اورغ ساج هق تاء ساله ،
 بالس مان ؟ توهن جواب کات : سفولوه فون اکو تاءبوات
 بري فونه جوک .

33 سور کيچيڻ دڻن ابراهيم تو ، توهن تيڳل کي ،
فس ابراهيم فون کليڻ کا تمفت ري .

توهن بري سلامت کا نبي لوط

دڻن کران نبي ابراهيم

کجاريں 19 : 15-29

15 سمفي دينهاري ايسوق ، روا اورغ ملائڪه تو
سوروه لوط کات : باغت ۲ سيڪيتله ! امبيڻ انق بتينا
روا اورغ سکالي دڻن بيني مو تو ، تويت کي سلالو ،
تاکوت نق ماتي هابيس ، بيلا حکومن توهن جاتوه اتس
کوت ني .

16-17 تافي لوط بوات تاء ڳاروه نق کي . تافي توهن
کسياغ جوڳ کا ري ، بري ملائڪه تو کي هيريت تاغن ري
باوا تويت فد کوت سکالي دڻن انق بيني سائي . بيلا
تويت ده ، سئورغ ملائڪه سوروه ري : کالو مو نق
سلامت ، هوڳل کي باغت ۲ . جاغن فاليع بلاڳ تيفوق ،
جاغن برادو سکالي ۲ دتمفت رنده ني . هوڳل کيله
سمفي کا بوکيت نون ، تاکوت مو نق کنا هافوس جوڳ .

18-20 تافي لوط جواب کات : اوه ، تاءه بوات کيتو

توان ! سوڱوه فون توان تنجوق باءيك كا امب ، دغن
كسياغ بلس بايق ، بري امب سلامت بلس ني . تافي ،
تاءليه لاري سمفي كا بوكيت نون ، تاكوت بالا تو نق
تيمفا اتس اكو تغه جالن . تيفوقله بندر هق دوق دكت
تو ! فادن ده نق منوسوف دالم بندر تو هق كچيك
ساج . بلرله بري امب لاري كي سكت تو . كچيك ساج
بندر تو ، بوكن ؟ تنتو امب بوليه سلامت دسيتو .

21-23 ملائكة كات : تاءاف جوگ ، اكو تاء هافوس بندر
تو . تافي باغته ، كي منوسوف دالم بندر تو سلالو .
اكو كنا ننتي مو ، تاءليه بوات سكارا هيغك مو سمفي
دسيتو دولو . جق دماس تو فون اورغ ففگيل بندر تو
ظوار ، تاءيت هق كچيك . ماس لوط سمفي كا ظوار تو
چره ده .


24-25 تيا ۲ توهن چواه توروون بارا افي دغن بليرغ
بوسوق فانس ۲ ، توروون لبت سروف هوجن ، اتس كوت
صودوم دغن كوت گموره تو . روا كوت تو دغن سموا هق ار
دالم فارغ ۲ سوغي جردن تو ، مائسي اتوا فوهون
كاين فون ، توهن هافوس بري هابيس .

26 تافي بيني لوط فالينغ بلاكغ نق تيفوق ، فس روف
دي براوه جادي سروف ستوڱول گارم .

27-28 ايسوق چره ، ابراهيم توبيت كي كا تمفت دي دوق
مفهادف توهن دولو تو . فس دي اينتي توروون كو
صودوم دغن گموره دفارغ سوغي جردن تو ، نمفق اسف
نائيك سموا كليواسن تو ، سروف اسف توبيت كو لومبوغ
قق .

29

بالس توله توهن روق ايٿت كا ابراهيم جوڳ ، تڪه
 ري روق هافوس روا ڪوت تو فون . سبب توله ري باوا
 لوط توبيت بري لفس فد بالا بسر تو هق هافوس بري
 هابيس تمفت لوط رودوق دولو .



ساره برانق کا اسحق

کجاردین 21 : 1 - 8

- 1 - 2 فد ماس تو، توهن تورون رحمة اتس ساره سروف دي جنجي دولو، بري دي لکت فروت بوليه انق جنتن انتوق ابراهيم، تکه دي توا ده. دي برانق بتولن دغن فرياغ هق توهن رويت کا ابراهيم دولو.
- 3 - 6 فس ابراهيم لتق نام اسحاق کا انق هق دي بوليه دغن ساره تو، معنائن " دوق سوک ". بيلا سمفي عمور لافن هاري ده، دي فون برسونت انق دي اسحاق تو، ايکوت حکوم هق توهن سوروه. تکه تو، عمور ابراهيم سراتوس تاهون ده.
- 6 - 7 فس ساره کات : لاني توهن بري اکو بوليه سوک سوڱوہ ۲. سمو اورغ هق دغر حال اکو فون، نق براس سوک هاتي جوک سکالي دغن اکو. دولوتو، تاءاد سياف نق گامق کات: ها ابراهيم، مو نق بوليه انق دغن ساره، فس دي نق بري ماکن فيق کا انق مو! تافي اکو بوليه جوک، ساره کات، انق دغن تو لاکي کو، تکه دي توا ده.
- 8 بودق تو فون کهور ۲ بسر، هيڱک سمفي هاري هق دي لفس فيق. فد هاري تو، ابراهيم بوات کندوري بسر انتوق اسحاق تو.

لفس فد تو براتوس ۲ تاهون فول ، ار رویت دالم
 کتاب انجیل کات نبی ابراهیم جادی چونتوه هق مائسی
 کیت بولیو تورویت ماس لانی . فولوس فون رویت حال نبی
 ابراهیم کات ، ابراهیم بولیو سلامت دغن کران دی هارف
 کا هق توهن رویت کا دی . فس سروف تو جوگ ، توهن
 نق تریماسموا اورغ هق فرچای کا توهن سروف نبی ابراهیم .
 چوب باج ایات ۲ دباوه نی ، هق امبیق دالم کتاب
 انجیل .



انجیل : گلاتیا 3 : 6 - 9

6 ایشت کا نبی ابراهیم فول ، هق کیت دوق باج دالم کتاب کات:

ابراهیم فرچای کا توهن . سابیت نیله ، توهن حکوم
 کات نی تاه ساله اف ۲ .

7 دغن ایات نیله ، مو بولیو سدر کات ، اورغ ۲ هق جانی کتورونن
 ابراهیم هق سجاتی ، دیاله اورغ هق تورویت جالن فرچای سروف
 8 دی . کتاب رویت ده دولوکات ، توهن نق کات اورغ بغسا لاین
 تاه ساله دفتداغن دی ، کالو اورغ بغسا لاین تو فرچای . سابیت
 تو ، بلوم فد سمفی ماس لاگی ، کتاب بری تاهوده کا نبی ابراهیم
 خبر یغ بایک ، دالم ایات هق کات :

گوء جالن مو، ابراهيم، توهن نق بري ماء نسي سما
بغسا، براونتوغ.

9 ابراهيم فرچاي، فس ي فون برانتوغ. بالس تو، سما اورغ
هق فرچاي سروف ابراهيم نق بوليه براونتوغ جوگ.

انجيل: روم 4 : 1 - 5 ، 9 - 25

1 ماري کيت فرهاتي کليه کا نبي ابراهيم، تو نينيق اورغ
2 يهوي کيت. سوغکوه کا دق، توهن نمفق ابراهيم تاء ساله دغن
کران دي بوات ايکوت حکوم ۲ هق توهن سوروه؟ تاء سوغکوه!
کالو توهن نمفق ابراهيم تاء ساله ده، دغن کران ابراهيم بوات
توروت سما حکوم ۲ توهن تو، تنتو ابراهيم بوليه بسر کا ديري
بي، بوکن؟ تافي ابراهيم تاء اد اف سکارا هق بري دي سبب
بوليه بسر کا ديري دافن توهن، سروف اد ايات دالم کتاب کات:

3 ابراهيم فرچاي کا توهن. سبب نيله توهن کيرا
کات ابراهيم تاء ساله ده دفتداغن بي.

4 ميسل سئورغ ماري اوفه کيت بوات کرج. بيلا سوره کرج تو،
اوفه کيت تاء ليه کيرا کات هديه. اوفه تو هق سوغ فاتوت
دغن هق کيت کرج.

5 تافي ماء نسي دغن توهن بوکن بالس تو. توهن تاء بري ماء نسي،
بوات کرج انتوق دافت بالس. توهن سوروه کيت فرچاي، فد بي
هق يغ اد کواس بري اورغ ساله جاني بتول. بيلا کيت فرچاي
بالس تو، توهن کات، کيت تاء ساله ده دفتداغن بي.

- 9 نبي ابراهيم هق کيت رويت سائي، جاي
چنتوه انتوق کيت جوگ. توهن کات ابراهيم تاء ساله ده دغن
کران ابراهيم فرچاي ساچ.
- 10 فيکيرله سبنتر! فد ماس تو، ابراهيم برسونه ده کا دق لاگي؟
دق، دي تاء برسونه لاگي.
- 11 دغن کران ابراهيم توروت جالن فرچاي، توهن کات ابراهيم
تاء ساله ده. لفس تو فول، بارو توهن بري دي برسونه، جاي
تندا کات دي تاء ساله ده دغنداغن توهن. توجوان توهن، نق
بري ابراهيم جاي تو نينيق کا سما اورغ هق توروت جالن
فرچاي، فس سابيت تو، دي تاء ساله ده، ياءيت بغسا لائين ۲
- 12 هق تاء برسونه، سکالي دغن اورغ يهوي هق برسونه ده،
تافي هق توروت جالن فرچاي کاتيقي، ايکوت چنتوه تو نينيق
دي، نبي ابراهيم، هق فرچاي دولو لاگي فد دي برسونه تو.
- 13 ار فساک هق توهن جنجي نق بري کا ابراهيم، سمغي کا
سما انق چوچوي، ياءيت توهن نق بري دي فرينته اتس
سما دنيا، ماس کو دافن. توهن جنجي نق بري فساک ني،
بوکن سبب ابراهيم توروت سما حکوم ۲ دالم کتاب، تافي
سبب ابراهيم فرچاي ده، فس سابيت تو، توهن کات دي
تاء ساله.
- 14 کالو مائسي بوليه تريما فساک تو کو جالن توروت حکوم ۲
دالم کتاب، سروف کات، تاء ار فائده، جالن فرچاي تو.
فس، سروف توهن برجنجي مائين ۲ ساچ. تافي نق! توهن
- 15 تورون حکوم ۲ دالم کتاب، توجوان دي، نق بري مائسي کابر
کات توهن نق مرک دغن اورغ ساله حکوم تو. فس کالو تاء ار
حکوم، تنتو اورغ تاء ليه لفکر حکوم تو، بوکن؟

- 16 سابت نيله، توهن بري فساك هق دي جنجي تو كنا برگنتوغ
 فد جالن فرچاي، نق جامين كات، فساك هق توهن بري
 نغن كاسيه تو، نق بوليه كا سموا اورغ هق جادي كتورونن نبي
 ابراهيم، بوكن كا ساتو بغسا هق تورتو حكوم ۲ دالم كتاب ساج
 تافي كا مائنسي مان ۲ هق فرچاي كا توهن سروف نبي ابراهيم.
 كران دي جاي تو نينيق سموا اورغ هق فرچاي.
 17 ايكوت ساتوايات دالم كتاب، توهن كات كا ابراهيم:

اكو لتق مو جاي تو نينيق مائنسي بايق بغسا.

- هق توهن جنجي تو مستي كنا جاي. كران توهن هق
 ابراهيم هارف تو، ار كواس بري اورغ ماتي هيدوف كليق.
 18 دي بوليه بري فركارا هق تاءار، جاي ار. سوغكوه فون
 ابراهيم تاءار هرافن نق بوليه انق، تافي دي تاء فوتوس
 فرچاي، كات، دي نق جاي تو نينيق بايق بغسا، ايكوت
 فرجنجين توهن كا دي، كات:

مونق دافت كتورونن بايق، سروف بينتغ دلاغيث.

- 19 فد ماس تو، ابراهيم عمور دي دكت نق سمغي سراتوس تاهون
 ده. دي تاءكيرا كات توبوه دي توا ده، تاء فيكير كات ساره،
 بيني دي، تاء بوليه انق كران دي مندول، دق!
 20 ابراهيم تاء فوتوس فرچاي، فس دي تاء شك هاتي حال فرجنجين
 توهن تو. سبب توله دي كهور فوجي توهن، كهور قواة
 21 فرچاي، كران دي يقين كات، توهن ار كواس بوليه بري سمفرن
 22 فرجنجين دي. فس سبب ابراهيم فرچاي سمغي سكت تو، توهن
 فون كيرا كات ابراهيم جاي اورغ هق تاءساله دفتداغن توهن.

- 23 فرکتان توهن ساءني : توهن فون کيرا کات دي اورغ هق تاءساله تو ، توهن بري بوکن کا ابراهيم ساج ،
- 24 تافي دي بري کا کيت کاتيقي ، هق فرچاي کا توهن ، هق بري عيسي ، ربي کيت ، هيدوف کليقي . دغن کيت فرچاي بالس تو ، توهن کات ، کيت تاء ساله ده دنداغن دي .
- 25 کران دوسام کيت ، عيسي کنا حکوم بونوه . فس انتوق بري کيت تاء ساله دنداغن توهن ، عيسي هيدوف کليقي سمولا .





دالم انجيل رويت کات ، نبي ابراهيم ترماسوق دالم فواق اورغ ۲ هق فرچاي کا توهن سوځگوه . چوب باچ چارا حال فواق ني دباوه .


انجيل عبراني 11 : 13-16

- 13 توء نينيق هق کيت سبوت ساءني فون ، سموان برايما ، فس ماتي ده . تافي دي تاء تريما لاگي ميليقي هق توهن جنجي کا دي . سروف دي دوق تيغوق کا فرکارا ۲ تو دوق سايوف لاگي ، فس دي ننني نق تريما . فواق ني فون مفاکوکات ، دي دوق ددنيا سمنتارا ، سروف دوق دوقف ، اورغ هق تاءاد تمفت نق بري جادي ميليقي دي .

- 14 اورغ هق مهاكو بالس تو فون، بري تاهو چرف كات، ري دوق
توجو كا تمفت لائن نق بري جايي تانه اير ري سنديري.
- 15 کران کالو فواق تو ايغت كا تمفت اصل هق ري تيغگل تويت
جاري تانه اير ري تو، تنتو ري اد فلواغ بوليه کليق دسيتو
- 16 فول. تافي بوکن بالس تو. نگري هق ري دوق ايغت نق کي
تو، موليق لاگي فد تمفت اصل ري. فس نگري هق موليق تو،
يائيت هق توهن دشرگ. فس توهن تاروه سيف ساتو کوت
انتوق فواق تو جايي تندا کات، توهن تاء مالو نق بري فواق
تو فغگیل توهن کا ري.







31

*Wir haben hier keine bleibende Stadt,
sondern die zukünftige suchen wir.*

Hebr. 13, 14

Studies about

Abraham

